



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 75. Quid sit notandum circa Missas ad altare privilegiatum.

urn:nbn:de:hbz:466:1-42624

nu. 170. Quandonam autem in Missa, quæ non est de *Requiem* addi debeat oratio *Fidelium*, dicitur num. 463.

§16.

Q. 74. An licitum sit pro vivo legere *Missam de Requiem*. R. §. 1. Negant absolute *Laym. Ca. strop. Garc. Tamb. Diana* p. 5. t. 13. R. 2. p. 9. t. 2. R. 19. *Aversa* q. 11. s. 12. *Mendo* diff. 13. q. 8., quia cum illa pro defunctis tantum sit instituta, non est immutandus hic ritus Ecclesiæ; imò tales *Missæ* non prosunt jam vivis, neque eorum effectus suspendi potest usque ad mortem illius, pro quo fiunt ergo malè leguntur. E contra *Nav. Fagund. Zerol. Barb. Lez. Hautinus Gob.* t. 3. n. 631. aliique apud *Aversam* suprà dicunt, licitum esse & pium, quod *Mendo* agnoscit probabile, & fusè defendit *Raynaudus* in *Heter. Tom.* 15. p. 2. s. 3. pu. 3. à n. 32. quamvis enim ista sint pro mortuis instituta, tamen ex natura sua etiam prosunt, si offerantur pro vivis, imò plùs quàm si pro mortuis, quia his tantum prosunt per vim satisfaciendi, vivis autem etiam per vim merendi & impetrandi. Utraque sententia est probabilis, sed prima sensui communi & praxi Ecclesiæ conformior: Multa tamen exempla pro secunda affert *Rayn.* suprà.

§17.

§. 2. Si posterior sententia practicetur, omitti debent orationes, in quibus ille, pro quo legitur, dicitur esse mortuus, id enim foret mendacium: nisi fortè verba per intentionem celebrantis referantur ad tempus, quo mortuus erit. Videri potest *Henao* de *Sacrif.* d. 17. pag. 379. & *Rayn.* n. 34.

§18.

Q. 75. Quid sit notandum circa *Missas* ad altare privilegiatum. R. Seqq. §. 1. Quà formâ concedatur illud privilegium, & quomodo ejus verba

ha sint explicanda, videri potest Gob. in Exp. t. 3. à n. 639. & Sylv. p. 2. v. *Altare privil. c. 2.* Conceditur autem, ut per Missam & applicationem fructus è thesauro Ecclesiæ anima, pro qua legitur, & liberetur è purgatorio: unde in hoc consistit illud privilegium seu vis Sacrificii oblatis, quod per concessionem Papæ habeat ex thesauro Ecclesiæ annexam tantam satisfactionem, quæ poenam ab anima luendam adæquet, vel sola, vel conjuncta simul cum satisfactione proveniente à Sacrificio, adeo ut ista Pontificis actio sit actus justitiæ commutativæ talis, qualis inter Deum & creaturam datur. Et hæ satisfactiones adjunguntur sacrificio, non per modum absolutionis, cum Pontifex non habeat jurisdictionem in animam purgantem, sed per modum solutionis seu suffragii, quo non obstante dicendum est, quod Papa hic utatur potestate clavium, quæ se extendit ad utrumque modum satisfaciendi, *Pasq. q. 729.*

§. 2. Quando Papa exprimit, debere esse Missam de *Requiem*, si legatur alia, non obtinetur Indulgentia. Si tantum requirat Missam, *Pelliz. & Sylv. c. 1.* putant posse esse Missam aliam, sed *Quarti, Pasq. q. 731. Gob. n. 650.* ex declaratione Cardinalium dicunt, debere esse de *Requiem*. 519.

§. 3. Si concedatur, ut liberetur anima etiam per aliam Missam, quàm de *Requiem*, addenda est collecta pro defuncto, exceptis festis primæ classis, Gob. num. 651. Estque probabilius non sufficere commemorationem pro defuncto sub solo *Memento*, quamvis id putent *Nav. Bellarm. Garz. Castrop. & alii* apud Gob. 652. 520.

§. 4. Privilegium altaris non censetur concessum nisi pro diebus deputatis, & quando per 521.

Rubricas licitum est celebrare de *Requiem*, *Al-*
viset apud *Gob.* n. 654. ex declaratione Cardina-
 lium. Quod si Papa det privilegium lucrandi
 diebus alioqui prohibitis, putat *Sylvius* hoc ipso
 potestatem dari, ut illis diebus legatur de *Re-*
quiem; sed oppositum constat ex dictis nu. 509.
 quia volunt per aliam Missam obtineri, quod
 obtineretur per Missam de *Requiem*.

522. § 5. Si in Brevis habeatur, ut quotidie ad tale
 altare legantur saltem septem Missæ, *Sylv.* putat
 non obstare, si per accidens bis aut ter tot Missæ
 non legantur, dummodo aliàs censeatur sem-
 per fieri id enim intelligi debet moraliter, nam
 etiam die Jovis, Veneris & Sabbathi in septima-
 na sancta non dicuntur tot Missæ.

523. § 6. Si ecclesia, in qua est tale altare, destrua-
 tur, manente altari, perit privilegium, uti deci-
 sum esse restantur *Dian.* *Gob.* n. 657.

524. § 7. Effectum illum liberationis animæ non
 esse absolutè infallibilem sed tantum ex beni-
 gna Dei acceptione, docent *S. Bonav. Rich. Dur.*
Caj. Cord. Bon. Laym. Amic. & alii multi cum
Pasq. q. 729 & *Dicast.* t. 9. dub. 18. quia Deus,
 qui est supremus Iudex, non tenetur nec pro-
 misit se acceptaturum commutationem pœnæ
 debitæ. E contra si impleantur conditiones re-
 quisitæ, esse infallibilem tenent *S. Tho. Ledesma.*
Sot Valent. Con. Less. Fill. Castrop. Dian. Gran. Lug.
Tann. Mendo d. 13. n. 96. *Arr.* d. 15. f. 1. optimè
Suar. d. 79. f. 10. ubi ostendit *S. August. Chrysost.*
 & *Cyrill.* idem sentire *Bellarmin.* L. 1. de Indulgen-
 tiis c. 14. neutram sententiam audet reprobare
 vocatque priorem valde rationabilem, poste-
 riorem valde piam. Rationes utrimque fuisse
 discen-

discutiunt *Mendo* suprà & *Gob.* à n. 658. & iterum de Indulgentiis à n. 483.

§. 8. Quando in Bulla concessionis habetur dari privilegium, v. g. ad septennium, hoc septennium videtur incipere non à die gratiæ concessæ Romæ, sed à die publicationis factæ, quia Papa vult usum illius esse pro septennio, usus autem non est ante approbationē Episcopi & publicationem uti habetur in *Trid.* sess. 21. c. 9. De Reform. Ita senserunt hactenus Auctores, sed emanavit

Decretum hoc S. Congregationis Indulgentiis & S. Reliquiis præpositæ.

Discussio dubio in S. Congreg. Indulgentiis & S. Reliquiis præposita: An attentis verbis, quæ in Brevibus Indulgentiarum apponi solent, *Presentibus ad septennium tantum valituris*, septennii initium à die publicationis Brevis desumendum sit. Eadem S. Congreg. die 18. Maji 1711. declaravit, non à die publicationis sed à die datæ Brevis septennii tempus incipere. Et factâ relatione SS. Domino nostro per me infra scriptum Secretarium die 20. ejusdem mensis, Sanctitas sua Congregationis sententiam approbavit.

I. M. Card. Gabriellus Præf. Raphael
Cosmus de Hieronymis Secret. Romæ
typis Cameræ Apostolicæ 1711.

§. 9. Probabile est privilegium altaris pro liberanda anima adhuc vigere pro Societate JESU, si ex concessione Generalis applicetur locis & personis per Provinciales designandis, nam Societas habuit privilegium illud, uti constat tum ex illis, quæ habet *Gob.* num. 651. 656. tum ex Responsis Romanis V. *Altare*, ubi dicitur,

Q4

tur,

tur, illud altare esse privilegiatum quod Provincialis Denominaverit, ita ut etiam externi Sacerdotes in eo celebrantes possint liberare animam. Deinde additur Sacerdotes de Societate, quibus privilegium fuerit applicatum, posse liberare animam in quocunque altari legant Missam, & quamvis non de *Requiem*, dummodo addant collectam pro defunctis, hoc autem privilegium fuit perpetuum, nec videtur esse revocatum, ergo.

Dices 1. privilegia vivæ vocis, quale hoc fuit, revocata sunt per Greg. XV. & Urb. VIII. Quamvis L. 1. à n. 850. dixerim, revocata esse, & ibi n. 861. idem insinua verim etiam de privilegiis quæ concernebant Indulgentias, tamen valde probabile manet hæc ultima privilegia non esse revocata, præsertim quoad Indulgentias pro solis defunctis, quale est hoc privilegium, nam nulla privilegia vivæ vocis concernentia Indulgentias esse per dictos pontifices revocata docent absolute Escob. Pelliz. Bordon. Peyrin, ac probabile agnoscunt Lez. & Gob. tenueruntque velut probabilius Revisores Romani in resolutione data ad hanc provinciam 12. Sept. 1694. quorum ratio fuit 1. quia Cardin. Lugo testatus est ex relatione multorum fide dignorum Urb. VIII. post revocationem ultimam à se factam declarasse non fuisse suam intentionem revocare Indulgentias vivæ vocis oraculo datas. 2. Quia in revocatione non fit expressa mentio de Indulgentiis, quæ cum sint maximum privilegium, sicuti non censentur concessæ nomine aliarum gratiarum, ita nec censerì debent sublata per generalia nomina, nisi de illis expressa fiat mentio. 3. Quia Indulgentia

gentiæ nulli præjudicant, neque earum usus vergit in detrimentum ecclesiasticæ disciplinæ, cujus observatio fuit finis & scopus Pontificum, uti exprimitur in Bullis revocatoriis.

Dices 2. In præfatione novi compendii privilegii Societatis dicitur, porro nullis aliis gratis & privilegiis quacunque etiam communicatione Societati nostræ illa competant, quæ in hoc compendio comprehensa non sint, uti nunquam licebit: hoc autem privilegium non comprehenditur in novo compendio; ergo. R. Non licebit uti, nisi specialiter communicetur à Generali, nam statim adduntur hæc verba *si tamen illorum usus* (id est aliorum privilegiorum, quæ hoc compendio comprehensa non sunt) *alicubi necessarius fuerit, is à Præposito Generali impetrandus erit*: hoc autem privilegium à Generali impetrant & nobis communicant Provinciales ergo.

Q. 76. Quid specialiter notandum sit circa Missas in festo Nativitatis Christi. R. Seqq. §. 1. Tres Missæ hac die permittuntur in honorem triplicis Nativitatis Domini, æternæ ex Patre, temporalis ex matre, spiritualis in anima justis. Notant autem Bon. Barb. Gav. Lohn. Leand. num. 447. nequidem Parochum in Natali Domini teneri ad tres Missas, quia est tantum permissio, & privilegium legendi plures, rectè tamen monent Gob. & Sporer n. 456. Parochum debere observare morem suo loco receptum. Addunt Suar. Gav. Aversa. Leand. has omnes Missas legi posse ante auroram: item qui unicam vult legere, posse quamcunque: suadent tamen Arnaud. & Lohn., ut legat tertiam, quia oratio illius concordat cum officio; alii suadent, ut accipiat accommodatam tempori, quo legit, nempe si le-